

敏

齋

詩

草

劉越石之詩盧子諒能酬之梅聖俞
之詩謝景初能次之風雅之交毗連
姻婭斯亦儒林之韻事矣然得失在
寸心終無假借內侄李子元方少年
能詩者也多師為師蓋嘗問道於予
而予殊無以益之近歷寧陽朔賀縣
旋以憂歸乃出其牽絲詩草而求序

於予意殆不在噓張而在商榷哉蓋
陽賀僻處粵西去隴頭八千餘里元
方隨其所歷而山川古蹟悉入謳吟
則其詩之領異標新而脫棄凡近也
固宜夫前人之論詩詳矣約而言之
則近騷者詩高近文者詩卑唐宋之
關實分於此元方勉之哉遊覽多則

詩之境界寬推敲久則詩之格律細
別擇嚴則詩之門戶真其流傳必遠
矣彼登高作賦者乃可以為大夫則
授之以政而能達固葩經之教也然
則牽絲之草其元方之羔雁乎一官
而成一集予目望之

乾隆辛亥孟夏松厓老人吳鎮序

洮陽李君元方余丁酉選貢同年友也余筮仕
甘省而君亦以是歲得崇信司訓冷署青氍泊
如也庚子歲君由大憲檄調監蘭山書院適松
厓先生為主講余時方需次省垣冠蓋之衝車
馬如雲日數十輩杯酒論交素心相對要亦不
過三數人君其一也君以洮水清門為松厓世
戚酷嗜騷雅多佳什而杖履遊從親承松厓指
授故其詩蕭散自得造唐賢三昧余每從松厓
談未嘗不與君遇挹其靜氣使人之意也消越

數歲余由伏羗令轉刺靈武而君以薦刺吏粵
西得桂林之陽朔於時川途濶隔音問轉疎余
蓋無一日不思君而知君之思余亦猶此矣庚
戌秋君以母夫人憂歸里壬子服闋入都選任
司城又二歲乃遣郵以一巨編示余且為書曰
吾陽朔後諸詩君其為我定之余惟君之由燕
如粵也泝廣漢達樊口逾巴陵轉岳麓君山洞
庭之間慨然吊二妃之餘跡其或猿狖朝啼魚
龍夜嘯山林宵冥極驚心駭目之觀實為遊蹤

所罕覯而陽朔江山秀甲天下丹崖翠壁矗立
千仞有圖畫所不能到斯天所以待詩人之境
也君詩搜幽抉異玲瓏剝削遂因以大顯其奇
固然其無足怪至於畿輔作吏竿牘殷繁猶能
出其緒餘以寫胸中之奇崛使其詩超逸秀拔
不染塵氛信非材全養邃有無人之資者不能
也君與余交為最久而余知君為最深君敦厚
靜穆初不以長加物與之處藹然可親而詩獨
靈竒怪變使人不可捉搦少陵云乃知君子心

用才文章境不其然歟余卒讀斯編流連吟歎
念君既遊宦京師而松厓亦歸洮水迴憶十數
年前省垣聚首剪燭談心良會難常如之何其
勿思也

嘉慶元年五月上澣年愚弟楊芳燦拜序

臨洮府治自乾隆二年改移蘭州而
臨洮附郭之狄道遂改縣為州余家
狄道鄉之人多工於詩前輩如張康
侯晉其弟牧齋謙吳松厓鎮三先生
為最著康侯牧齋去余生遠松厓余
姑丈也余又在弟子之列得親聞其
緒論然彼時以攻舉子業所習者試

帖詩而於古今諸體未遑無及嗣余
由選貢司訓崇信偉登鄉榜膺薦剡
一行作吏於試帖不復用功始留心
於古今諸體吟咏成集在粵西則有
牽絲草在京都則有朝陽集在蜀則
有劍陽詩草于役巴塘則有巴塘詩
鈔兩次旋里則有侍松吟詩社吟迨

赴滇南以需益而無攝馬龍州當孔
道公務繁雜用心過度此事遂廢客
歲分理山左鹺務今秤掣餘閒取李
坦菴評選巴塘詩鈔另刊外又取牽
絲侍松朝陽詩社諸集刪存十之三
四總曰敏齋詩草自覺格卑詞淺不
能步康侯牧齋松厓諸鄉先生之後

塵而又不忍棄之因付剗剗用代手
抄就正有道尚可存其一二否惟冀
明以示我皆

嘉慶丁丑孟夏李苞元方氏書於濱
樂分司署中

敏齋詩草

臨洮
卷之六

出都抵陽朔任作

以三
絲草

捧檄懷親舍驅車出

帝京秋風吹遠夢曉月引初程
易水歌猶壯中山酒足傾河流
經孟縣漢廣達樊城蘭楫衝波
駛蒲帆轉岸輕巴陵朝雨霽岳
麓夕霞明金綴洞庭橋翠寒湘
浦蘅仙來吹鐵笛客至弄瑤笙
叢竹娥皇淚孤槎杜甫情湖南
青草遠嶺外白

雲橫不復謀囊橐于焉駐旆旌區區陽朔邑藉藉太邱名

前任陳

整理戶編甲催科糧載丁按圖

疆百里檢牘漏三更解有蛇盤跡村無犬吠聲
彈棊蓮岫碧飲馬桂江清街滑擔薪婦墟喧抱
布氓午衙堂吏肅晚渡野人爭賓雁層巒度斑
鳩深樹鳴官途從此始鄉思卽今生桑梓嘆遙
別椿萱祝並榮高堂瞻戀切何日板輿迎

題陽朔縣署

亭號萬雲雲氣濃碧蓮深處闢花封龍頭

山近名

飲灘江水日夜江聲吼似龍

城頭姑射杳難攀三里城連萬壽山挂笏何勞
高處望訟庭日日對孱顏

翠壁橫空幾百尋樹生石罅欲成林山頭黃葉
落山足積壓莓苔三尺深

伏荔墟

桂江一曲水沮洳傍岸常開伏荔墟山市生涯
惟菜米村民事業半樵漁雲圍古塔堪題偈草
剪荒衙可讀書

巡檢裁後其
署改爲義學

小艇匆匆經過處

烟霞翻羨野人居

鑑山寺閣晚眺

古寺崢嶸倚壽山登臨偷得一時閒
地連臨桂峯千疊江下蒼梧水幾灣
落葉霜隨秋雁至趁墟人逐暮鴉還
長繩儻繫紅輪住百丈雲梯尙欲攀

粵西諸蠻詩四十韻

五服要荒遠南蠻賴輯柔狄獫狁原異族
狔狔不
同儔獠自分生熟獠皆共喜憂
狔于獠作類獠

豈豸之流部落依谿崗租庸入縣州誅茅編小

屋架樹構危樓闢地虺蛇竄燒山草木愁跣行

寧用屨骨浪本無裘

猪獠寢不置床冬不覆被以三义木支荆棘而泥之

然火炙背土焦則易謂之骨浪

腰緊纏絨帶

蠻女腰多束胸開

露錦兜

蠻女絡花兜敞襟露胸以示麗

戴梳形插扇

猪類不一共婦女裝

飾亦興戴梳於頂狀如扇而名曰梳

頂板狀垂旒

頂以木板板列砮珠繫若

綴旒名黥刺誇蛾蜚

猪女黥面繡額爲花草蜻蜒蛾蜚之狀

攀援

勝攬猴狗鈴髻絲重

髻挂銀絲直至頂名狗鈴

燕尾鬢雲

稠以豪猪鬃爲簪加以竹片雙分

草草身家計

區區升斗謀花時崖密熟雨後野箇抽槿子三

春種種禾六月收

禾有早晚隨月而名有六月禾

檳榔充苦茗

薏苡作乾餼狼戶刀耕慣

狼戶火耕種刀耕

砂人火食不

砂人傍河岸作篷而栖獵魚蝦生啖之卽周禮所謂不火食者

蕉皮勤績紡績

皮爲布名紅蕉布

桂幹任薪槔行禮槽頻扣

獠俗歲首祭先雜揉

魚肉酒飯於木槽扣槽羣號爲禮

迎年粽迭酬

年節相贈以粽槃瓠追

祖譜

諸蠻以槃瓠爲祖

都貝薦神羞

獠俗十月朔祭都貝大王

竹笛

吹夷曲蘆笙和楚謳

樂有竹笛蘆笙之屬

婚姻跳月亂

春日

男女互歌謂之跳月歌意相浹爲配

風俗洗粧偷

獠俗人與其婦通以牛酒謝罷

謂之**宴客敲銅鼓**蠻俗鑄銅鼓初成懸庭中置酒以召同類**招男戲**

綵毬倚歌擇配男吹**產翁何自苦**三獠婦生子經

於河返具廩以餉壻壻擁衾**捲伴實相仇**蠻人

抱雛坐於寢榻謂之產翁**捲伴實相仇**樂而

黠者竊人妻女以逃謂之捲伴已而復為後人

捲去至有歷數捲未已詎官追究斷給始初被

捲之**賽鬼驅邪去延巫禱病瘳**蠻俗病則召巫

家**駑懸偏架勢**駑名草數訟庭籌**社推老人上坐**

兩造各剪草為籌每講**龍角詞休負**及兩造息

訟云如有翻悔**鵝毛被可售**有以鵝毛**步趨常**

傴僂言語盡鉤鼠食之**雞祠占**

卜求

蠻人善雞卜其法不一

穿林緣焙

黠

獠俗兒能行燒鐵石焙其跟黠

使頑木故能履棘茨根枿而不傷

尋食詎飛頭

炎微紀聞謂能以其頭飛去求

食楯板能除虎屠婆善解牛

解牛多俚婦亦曰屠婆

狼兵

恒守隘

狼人少長習甲騎應募爲狼兵

魚蟹本居舟

蟹人瀕海而居以舟

爲宅其種有三取魚者曰魚蟹

頑性工剽掠良民被踐蹂強弓

兼毒矢

蠻弩取蛇毒草合藥瀹箭鋒中者立死

短刃勝長矛前代

羈縻久

熙朝教化周麗江原屬夏藤峽豈防秋獍狙皆安貼狷狎悉順投戶歸流外轄文入學中游運

掌馳炎微傾心遍海陬雕題與交趾萬古仰
皇猷

七夕

鵲橋星散彩蛛網月凝光今夕是何夕異鄉非
故鄉隔年空有約私語渺難忘淒絕秦川女停
梭欲斷腸

早行

早起促征裝先愁道路長青山憎吏俗明月笑
人忙磴滑緣苔濕衣單覺露涼僕夫何告瘁王

事正劬勩

賀縣

溶溶臨賀水遙通謝嶺名垂五嶺中古塔雲開
懸皓月浮橋雨霽架長虹四塘驛路來城北縣北
有塘萬井人烟聚縣東炎徼漸摩仁義久獐獍
異類盡從風

觀音巖

賀邑佳山水茲巖舊有名崖侵僧榻冷洞綴佛
燈明羅漢松誰植王孫草自生踏青人到此分

外愜幽情

卽事

大兵深入意如何滿擬軍中奏凱歌
十月出師烟瘴少一行作吏簡書多
南關連日頻催粟北闕新年擬止戈

盛世版圖原廣大不收交趾古山河

春日

東風拂面和散步踏庭莎
幽意草先得春情山
更多阿誰翻楚調有客憶秦蛾
楊柳青青色封

侯果若何

臨桂舟行遇雨

卷幔讀雲函風涼忽透衫
暗烟迷野渡細雨濕征帆
柳鰲鱣魚岸花翻獅子岩
更看山萬疊蒼翠滴松杉

桂林

嶺表開名郡宜人氣候和
湘灘分楚粵牛女辨星河
秋樹無黃葉冬溪有綠波
吏從山內隱山隱距城西里許又客向洞中過
棲霞洞深透山麓城中有獨秀山游人持火炬出入

桂管雲烟麗榕門著作多
謂里人陳州圖緡閣中丞宏謨
後把酒一吟哦

觀桂林諸山

吾鄉秦隴山層疊今見茲山喜欲顛
高豎髻鬟沐紅雨橫排劍戟破青天
何年獅象當巖立終古虬龍枕石眠
更有伏波臨桂水將軍廟樹曉含烟

獨秀山

山有宋顏延年讀書岩

炎方一柱平地起突兀崢嶸桂垣裏
懸厓削壁

四面同造物之奇有如此自是女媧鍊石補天
餘擲此一拳誇聳峙遂令高出南斗撐南天亦
復娟秀峭拔獨稱美我來扶筇躡危磴始則股
栗終心喜雲消俯瞰灘江清日暮環視萬山紫
憶昔顏公守始安終日讀書山之趾疎誕本興
烟霞宜笑傲還將嵇阮比倚岩攀林寄懷懽詩
和謝監酒浮蟻至今巖畔長青苔彷彿咿唔猶
在耳古今人雖不相及追慕風流情何已長嘯
一聲天地空極目飛鴻幾千里

和謝靈運詩倚
巖聽緒風攀林

結留
萬

登碧虛亭

亭在樓霞寺內

危欄凭眺夕陽低不必高攀萬丈梯亭古松篁

連月聽

下有聽月亭

洞深猿鶴傍霞棲

旁有棲霞洞

此鄉

炎熱資清淨何處塵埃惹菩提況復碧天雲數
片萬重佛髻與雲齊

靖藩故邸

石城孤嶂出鐵鎖四門開草綠王孫去槐黃舉

子來

今爲試院

寒鴉啼古樹淡月照荒臺惟剩琳琅

句刊巖想逸才

獨秀山岩有鐫刻藩王詩句

望桂林城西隱山

爾隱城郭傍我隱朝市間均之非真隱相對聊
開顏古來曠達輩境囂心獨閒無爭自無患何
必居深山有道恥貧賤捷徑莫登攀咏歌太平
日已是超塵寰

假館

假館他鄉久愁真有萬端腹空書飽易心病藥
醫難人比菊花瘦客驚楓葉丹日歸歸未得日

日理征鞍

客舍卽事

堪嘆他鄉異故鄉宦遊二載閱風光日高尙覺
烟嵐濕秋至寧嫌紆葛涼曉市蠻人擔薏苳遠
帆估客運檳榔明珠寶玉從來少行李蕭條誰
辦裝

上普陀寺

在七星山

蘿帶山腰掛松根石罅穿寶幢回北斗金地勝
西天鉢洗雙溪月鐘鳴萬井烟旅遊同倦鳥無

暇學參禪

秋懷

已知故我非今我無奈新愁續舊愁鄉夢千山
覓鸚鵡親恩七子痛鳩鳩關河悵望洮兼隴歲
月消磨夏復秋瘴雨蠻烟增旅况無情又苦鷓
鴒留

余兄弟
七人

過南亭汎

舟下南亭汎烟波望欲迷片時風順逆半里水
東西灘陡篙擎壁沙深纜繫隄魚龍卧江底靜

夜莫燃犀

舟行風息喜而賦之

人心有洪波無風猶不止江面無巨浪因風忽
然起風起鷗鷺愁風靜魚龍喜日華漾素練琴
韻瀉清泚放船穩勝槎下瀨迅如駛青山互迎
送綠樹遞逶迤桂酒勸行人櫂歌和舟子迴思
狂飈發恐懼何能已我今祝陽侯安瀾常萬里
更告江湖客忠信可涉水

過陽朔

作宰廢登臨閒過動客吟木山山名冬燒火水驛
畫鳴金晚稻穫留本早梅開見心岸傍村幾處
却愧少棠陰

感懷

莊周空變化蝴蝶夢中尋山月無今古江流忽
淺深飄零遊子意遲暮美人心雖有消愁物松
醪懶獨斟

登壽佛庵

古庵開半嶺形勢獨超然雲護湘山佛風停桂

水船登臨小春日
梵唄夕陽天
爐火燒檀屑
氤氳起瑞烟

昭平舟中

昭平峽最隘
况復起風波
亂石如人立
輕舟似箭過
燒山枯草盡
盤壁古藤多
烟水蒼茫處
時聞欵乃歌

江岸見梅花有感

孤艇行行日已斜
南枝忽見吐寒花
客愁不作美人夢
一曲落梅空憶家

上灘行

離源發海陽南至三角背波濤入大江經行剛
千里三百六十灘灘陡且駛下灘舟恐觸得
失爭尺咫上灘如上岸邪許喊舟子纜急攀鳥
道弩力才一跬路絕挽不得篙櫓撐逆水更遇
石暗阻推舟碧浪裏冬涉寒沁脛硃利割足趾
終日倍艱辛水程方到此船中穩坐客披裘浮
綠蠓猶嫌行太遲催促正未已嗟嗟榜人苦欲
行不欲止波險驚吕梁日久呼庚癸安得五丁

力鑿江平如砥駕船皆坦途櫂歌往來喜

賀邑鍾生景龍寄梅花詩求政因以詩答

兼道旅况

冷蕊疎枝映水斜誰能詩格比梅花羅浮明月
孤山雪不着言詮是作家

寒梅一夜發江濱陸凱吟詩分外新切莫折枝

煩驛使嶺南猶滯隴頭人

余卸篆後因事
仍留羈粵省

雨中過陽朔山

天工闢奧區蒼玉巧雕琢琢成千瑤簪攢列在

陽朔是山多峻秀無峯不峭卓形狀復詭異龍
頭與犀角昔余困王事萬雲亭名可登未暇矚
今日閒看山方羨爽氣撲尙恨逢冬雨烟霧起
林谷欲效韓退之潛心禱衡嶽

弔三閭大夫

江中桂楫與蘭橈若有人兮趁晚潮故國誰憐
三戶在幽魂空向四方招鳳簫後雞爭舞鵝
鳩鳴時草盡凋幾曲沅湘鳴咽水至今哀怨總
難消

途中遠望有若白鷺者詢之始悉爲縛鷺
具也有感而作

塗灰作鷺形卧地兼栖樹縛具置其旁以此誘
白鷺白鷺認爲羣相近遭擒捕軀殘羽毛折不
得保純素古來正直人多爲宵小誤本假反謂
真始猶迷不悟一朝受禍累千古恥趨附慎之
復慎之庶幾藏身固

江雨

水氣蒸雲雲氣濕白晝大雨陰冥冥澤國江天

渾不辨錦鳬雪鷺迷沙汀北風怒掀波濤立黿
鼉翻轉魚龍腥青楓烟鎖兩堤暗斑竹淚結千
竿零薄午虹霓飲碧澗一川日影浮吳船漲來
乍看諸溪白雨歇更愛九疑青霎時打篷復入
船百里號號驚雷霆交情翻覆亦如此注目寒
江酒杯停

望永州城懷古

客舟自南下遙望零陵城孤塔臨波立百雉連
雲平春樹青一片烟霏辨難明森森古瀟水會

入湘江清憶昔唐司馬謫居負生平長歌楚天
碧時聞欸乃聲八愚與鉗鉅暫愜烟霞情瑰奇
留詩記嘆息累簪纓柳州人去久此地猶垂名
懷古未訪古惜我匆匆行

過耒陽江弔杜少陵

萬里飄零客飛鴻印爪痕文章名不朽稷契志
空存耒水悲聞鵬夔江憶聽猿自應同屈子千
古大招魂

晚發湘潭

瀟湘今古流屈折形如巴漣涓

名二水

諸水匯春

波更無涯估櫓似林立漁榜同鼓撾赤崖映日
麗綠樹和烟遮我行懷子美此地題咏賒風景
猶如昨送客有飛花昭潭澹夕景橘洲抹晚霞
何當破浪去詰朝過長沙

次湘陰

古縣吳昌通要津潭南岳北往來頻平湖水逼

汀洲小橫海靈存廟宇新

江岸有馬伏波廟

此處垂楊

堪繫馬多情舞燕欲隨人汨羅江畔黃陵口烟

景茫茫已暮春

入大江

兩界江南紀蒼茫萬里間巨濤吞楚潒灝氣接
巴山舟楫往來急烟波今古閒浮生無住着何
日唱刀鐃

楚江舟中憶陽朔山作

太華三峯削不成奇狀已嘆世罕有誰知奇外
更有奇陽朔之奇諸山蘖其色青蒼其形峭勢
更超拔冲南斗萬笏朝天萬劍插又似林木立

岡阜半臨蒨浦夾灘江石壁倒挂支離叟元章
圖畫妙絕倫此山何幸落伊手我今別後猶神
遊氣爽如銜黃花酒廻帆閒眺江湖中後有君
山前响嘯其餘岡巒紛起伏大抵平衍無足取
更憶陽朔爲異觀逢人談說不絕口碧蓮峯裏
住人家好景無能出其右歸途擬登落鴈峯試
語山靈一回首

重登黃鶴樓

憶昔登樓日於今十二年浮雲原變幻芳草自

芊綿鸚鵡孤墳淚龜蛇萬井烟臨風復長嘯何處覓神仙

漢水舟中

坎坎回颿鼓已傳異鄉景物暫流連蝦簾魚滬半江水麥穗菜花三月天村市多臨楊柳岸津亭遙駐木蘭船我行猶問隣舟客小別匆匆已幾年

仙桃鎮

仙桃已無種官柳尙飛花舍比魚鱗密江分燕

尾義往來商賈，觚新舊梵王家。陸子泉何處，吾

將試楚茶。

沔陽西有陸羽試茶泉。

安陸岸口守風

西立章山秀，南流漢水渾。蘭臺人寂寞，竹塢月
黃昏。舟蕩雙蛟鬪，風生萬馬奔。多愁苦行役，休
訪莫愁村。

襄陽懷古

沔合檀溪日夜流，當年遺迹至今留。地傳龍卧
人千古，曲唱鷹來土一抔。解佩仙妃逢漢曲，垂

竿隱士釣槎頭何如花艷驚郎目只道襄陽樂
未休

謁米襄陽祠

襄陽畫後無山水山色青青水蔚藍心折墨皇
書尙刷情殷石丈笏常參洞天一品宣和譜風
月千秋海嶽菴敢謂先生顛且癖瓣香肅拜久
停驂

發襄陽

已與長年別登車路不迷心飛襄水北目斷峴

山西薄霧沉鴉影游塵逐馬蹄回思南去日秋
老白銅鞮

魏野草堂

禮疎那肯奉清塵隱逸高風世外身今日草堂
荒廢久猶傳紗帽白衣人

潼關

潼谷留天險當年事若何漢唐嚴壁壘秦晉割
山河守恃熊羆勇攻憑虎豹多防關雖有將今
日但長歌

班定遠墓

漢皇開邊境將畧正相宜若非喜功主投筆欲
何爲四方丈夫志顯達難預期李廣不封侯無
功緣數奇虎頭與燕頷食肉終有時想見奮威
武萬里到月支墓草春復秋千載道傍碑後來
傭書輩誰復青史垂

楊伯起墓

黃金銷却四知中伯起清撻孰與同死後鳥來
高一丈生時鱸集卜三公墓門草灑關西雨石

關松含岳北風嘆息當年追訟事陳虞二子恨
何窮

長安

奕棋勝負總成虛漫說長安建帝居韋杜衣冠
多襁褓漢唐陵寢久邱墟風聲渭北傳蕭瑟雲
氣終南任卷舒自古關中形勝地上林詞賦羨
相如

岐山縣

邠民遷樂土亶父肇王基山峻曾鳴鳳原平舊

契龜風牽瓜蔓長
雨潤黍苗滋千載
行人過猶吟岐下詩

汧陽道中

太尉祠邊夏木清

段秀實

相公山外翠眉橫
魚龍

南下一川水猶帶隴頭鳴咽聲

隴州

汧陽古郡異塵寰
歷歷人家水石間
萬壑烟雲迷隴坂
諸峯蒼翠接岍山
東來川合隃麋縣
西去途通大震關
極目青青多茂樹
一鞭相伴鳥

飛還

軒轅邱

昨過飛昇處今來誕降鄉
烏號悲鑄鼎龍御想垂裳
仙客具茨渺帝臣鴻蒙荒
古邱神尙在奕世仰軒皇

園松行

以下侍松吟

松不別我我別松別後夢裏曾相逢
挺拔自異支離叟老蒼非復舊時容
坐對無言空長歎欲將澗淙寄素翰
隄外風雨倏然來寒色杳冥古

香散今喜相見，非夢中望月樓畔。淡烟籠濤聲，
颯颯若與語幽琴一曲。百慮空松，昔根苗甚柔。
靡伯父移栽家塾裏，說在我生之次年，我爲兄
兮松爲弟。余生之次年，伯父栽此松。松今高已四丈餘，我猶
空負七尺軀，愧無濃陰庇隣里，不及階前傲雪
株。此松若在最高嶺，更餘日中參天影，惜哉半
畝花園地，翠蓋數重秋光冷。

河神祠古柳

十圍空自傍烟濤，一別桓公歲月深。老閱炎涼

知世態久承雨露感天心
萋萋岸草分春色謾
謾隣松助晚音更祝神靈常保護
生梯依舊綠成陰

對雪

嶺表梅作雪吾鄉雪作梅
早梅天心見大雪天
意回嗟嗟邊塞民衣薄信可哀
循環有一定不寒春不來

好水溝

柳林真出玉好水復爲溝
雪樹晴招鶴雲山晚

牧牛城額開捷徑廟古枕荒邱幾處炊烟合人
家半姓劉

晚登翠微寺

鶴林傳勝境云是肅藩修地迴雲棲寺山空月
滿樓翠屏三面聳清磬一聲幽更有澄心處門

前好水流

水名
好水

雪中過亂山子

捷徑憑人引荒村逐鳥過一鞭春雪濕十里亂
山多稍潤紅塵路還經白土坡途逢田父問播

種近如何

同友人遊龍泉寺

城東古寺遠塵囂二月疎楊空綴條山下泉從
龍口出壁間佛倩虎頭描鶯思出谷風猶紫牛
欲耕田凍未消自是鶴林春到晚烟花他日再
相邀

深谷桃花

深谷值深春紅桃色始新參差饒野趣爛漫本
天真不見劉兼阮焉知漢與秦無言亦無憾翻

勝息夫人

同吳松厓姑丈游王氏園看海棠花

槐圃閒隨長者過，暖風巧入海棠窩。
桃輪一笑晚粧絕，柳伴三眠春夢多。
嘉種由來號西府，清詩端不讓東坡。
松厓有海棠詩最宜夜半燒銀燭，花欲留人人去何。

九日張太璞于榆庭李坦菴諸同人邀登
超然臺子有事未果悵占一律

生平在故鄉，能遇幾重陽。
菊自今秋老，人仍去

歲忙閒情愧陶令軼事哂劉郎惆悵登高約無
緣共羽觴

登城角寺憶秦太史覲東

舉目驚秋至林黃帶夕曛因登城角寺更看嶺
頭雲風急蟬聲咽天晴雁影分少游當此日離
緒定紛紛

題呂肅堂松篁染翰圖

滿目烟嵐供畫史園林幽澹謝紅紫斑駁龍鱗
帶雨寒婀娜鳳尾因風起森森翠色密連階颯

颯清音交入耳林間片石淨塵埃伊人獨坐悠
然喜投藻惟交楮國公中書全仗管城子凝神
靜慮有何思怒猊渴驥擬差似行間八法飲香
名頰上三毫稱絕技我一展卷認不差爲言呂
友肅堂是憶昔聯床夜雨時他山之石共礪砥
清談默契臭如蘭至味深投淡若水洎余薄宦
走粵西相隔迢迢八千里南飛遙悵楚天鴻北
去空懷湘浦鯉今日萍蹤聚金城酒仙閣上浮
綠螳層層白塔山何浩浩黃河流最駛眼前

風景觸人懷話舊談新情未已君饒閒况貌鸞
姿我覺瘦生加馬齒離合聚散本無常嘆息相
逢亦偶爾請將一片契濶悰憑君寫入研光紙

卓泥

新城南去地形低面面崇山鎖卓泥三百戶如
舟上住千年無恙泊洮溪

楊土司住割卓泥地方城形如船近傍洮河

憶梅

昔年遊嶺表曾咏白梅詩清得乾坤氣春含冰

雪姿孤村看鶴處
古道跨驢時
今日同何遜
揚州入夢思

贈渭源友司訓

盤中堆苜蓿滋味我深嘗
友乏蘇司業妻憐周太常
春苔連徑綠秋葉滿庭黃
時有清風好惠然來講堂

大吏往來少喜無
迎送勞探源清渭近懷古
首陽高官且留三載年
休嘆二毛傳經人去後
猶可教兒曹

河神祠樓諸同人招飲

卓午半陰晴登樓風景清日光雲外露人影水中行浩蕩神靈惠留連主客情卽今鄉里熟叩缶樂秦聲

喜雨

燈下繙素書忽聞簷溜滴出戶燈光暗雲垂齊屋脊黃蠟栽小松高並一拳石呼童置院中俾蒙膏雨澤明晨看幽姿當更涵濃碧盆松尙懷新何況連阡麥

咏小燕示子

乳燕幾艱辛生成掌上身風熏黃口老雨洗黑
衣新掠水猶隨母穿簾尙怯人雕梁不甘睡學
習往來頻

寄賀王柏厓側室生子

想君樂事在天倫散罷官衙日飲醇小婦不矜
蟬鬢美大奴已羨鳳毛新淮徐仕宦三遷職秦
晉家鄉兩卜鄰

王原籍皋蘭
寄籍遼州

翹首門庭多瑞氣

烏衣燕子往來頻

游高石厓寺

厓險通香界，林幽掃俗埃。一從斜徑上，四望亂
峯堆。幡影疑雲動，松聲誤雨來。人行瓊樹杪，僧
住翠屏隈。龍象山腰聚，烟霞洞口開。厂深嵌板
屋，石潤鑿蓮臺。說法狐應聽，昇仙鶴未回。牆衣
挂蘿薜，地席坐莓苔。貝葉翻經卷，梨花入酒杯。
探奇頻索句，休報夕陽催。

壬子秋九月北上補官自家起程五十里

至大灣阻雪留住一日

去家五十里雪欲留遊子何不在家留留在山
店裏

過隴山宿固關

屈曲路難行過山喜乍平秋霜千樹變夜雨一
燈明人衆猶防虎村貧不養鸚固關誰擊柝歷
歷報寒更

官道傍樹木

楊柳間靈椿陰連翠色勻兩行雲委地一道雨
清塵繫馬宜長夏聽鶯值早春枝條莫輕剪常

陰往來人

入都寺中守歲

掃除禪宇淨無塵換得幢幡色色新
四座杯盤遠遊客五更車馬早朝人
占梅花數
爆竹驚心歲又春
刻燭吟成鐘鼓動却從
方外度元辰

備挑東城副指揮赴 圓明園道中寓目

以下朝陽集

旅舍悶如甕客貧不易遷
鬱鬱居數月坐井難

窺天微秩備司城喜得赴

御園眺望西北郊境與心俱寬春意方酣暢春色正新鮮紅桃與綠柳掩映

禁垣邊麥苗短而肥青青連陌阡畿甸饒沃土生植分外妍矧當知時雨昨夜更綿綿小臣邊地草沾濡生趣繁

晚吟

官衙屋本隘更苦炎威逼晚涼徐徐生銀河湛夜色柝鳴風遠遞柳捲月全得飛蛾苦愛明流

螢偏趁黑簷虛蝙蝠穿網破蜘蛛織浮生自有
涯微物不肯息動靜異性情陰陽分晝久斯理
漫深參寸心守寂默

東郊卽事二首

笨車駕廣陌赤日照大地草木葉正肥光潤如
油膩黍稷高及肩菑菑香撲鼻偶過核桃園閤
尋菩提寺半榻松風涼一徑竹陰邃山厨待噉
茗老僧不相值

黑雲頭上罩中有殷雷闕幻景片時滅依然天

宇空西山爽氣來東郊游目縱茂樹蔭邐迤良
田繡錯綜馬蹄暫往還蟬聲遞迎送半日分憂
樂此情誰與共

不寐

抱影卧空齋輾轉不能寐緬想古之人襟懷何
坦易驤首無驕態曝鰓非失意百年任遷移一
身隨位置我本樸拙才而作風塵吏宦况如雞
肋食之不忍棄境原窮達分爵本天人異交戰
儻能勝脫然無復累

再過六里屯

十日不出遊心胸覺狹隘仍由六里屯眺望東
門外蟬聲依舊長禾穗較前大野塘水盈盈村
舍烟靄靄籬纏蔓似絡岸拖草成帶數見景彌
鮮重來鳥應怪公事亦已治暫立倚松檜興致
忽然來謳咏仍不廢

秋日偶感

客子長畏秋眼見秋已至一片蒼茫景倏忽滿
天地元化無停留節物乍改異日月頭上催年

已四十四薄宦寄京華感慨無限意

憩水碓新庄

終日走紅塵自覺面目俗偶到野人家一似返

嶽麓

嶽麓吾鄉山名

長草秣我馬寒具果我腹村邊縱

眺望清趣愜幽獨茫茫萬頃地森森列衆木翠
色中斷處遙峯露五六雲閒鳥亦遂相隨入深
谷我心與之俱悠然忘羈束

靜夜思

遶遶旅夢驚不知夜深淺伏枕聽鳴柝更次了

可辨秋風窗外撓羈心靜中展壇噤汝南雞書
斷陸機犬遠宦違門閭薄才累纓冕碌碌十餘
年空看日月轉

范秀山贈玉簪花歌卽以歌答

西風吹到七月杪大地繁花一半掃花中君子
別我去東籬幽人來尙早折得玉簪八九枝浸
之古磁水注飽微微氣味香且清涅而不緇色
皓皓天然三寸螺鬟妝花樣愈新亦愈巧燈前
疑是美人卸簾內喜無狂蝶遶良友乍見眼先

明竟言我詩如花好古今詩人千百家其中家
數分大小有如羅浮古幹梅着花彌覺風格老
富貴爭誇牡丹圃光華欲溢芙蓉沼韻似海棠
品似蘭比擬各隨筆所造桃紅李白近粗俗宜
加刪削我心了君以玉簪比我詩乍聞不免輕
心掉細審色香並不及反愧品題出意表走筆
酬君白雪吟午篆微烟猶裊裊

中秋夜飲贈張葆天

中秋月不出惠然客肯來況是故鄉人意氣無

嫌猜四座相聞訊一時共舉杯天涯羈遊子今
宵且快哉浮雲雖蔽翳不借絃管開對君如對
月光輝入我懷

出東便門

稅駕出南城直遵河岸行馬蹄秋葉碎鴉背夕
陽明菊擔頻穿巷茶壚已卸棚天時與人事不
覺暗中更

喜于子進至京署

燕京道路悠誰作寄書郵遠訝單車到寒分半

榻留慶豐運河開齊化

禁城樓往事君回憶曾經此地不

癸丑生日作

忽忽驚心歲月殘依然匏繫在長安署中合食

三年俸

指揮例應三年報滿

關外分防七品官

東城副指揮署在朝

陽門外

小鳥猶思化蜃蛤凡禽亦得逐鷓鴣鸞却嫌

陶侃頻封鮓迢遞家鄉寄去難

哥窰一樹蠟梅春正值君虞覽揆辰遠道音書

懷謝草高堂甲子祝莊椿小年恥逐蜉蝣侶末

角五言上 一
秩甘爲蟣蝨臣誰奏南飛黃鶴曲措詞淵雅調
清新

癸丑除夕

守歲去年依佛寺今宵冷淡在官衙父兄兒女
隔千里僮僕友朋聯一家人事守株寧有兔光
陰赴壑竟如蛇且將臘酒流連飲明旦屠蘇泛
紫霞

寄家書令郊外置小園

別業何年有閒時爲我謀一園將獨樂三徑擬

同遊不必桑千樹寧須橘萬頭
惟栽桃與李四面匝書樓

小燕

毛羽雖齊力尙微出巢喜得見晴暉
往來門戶宜詳認遠近池塘莫妄飛
已愛迎風舒短翮却嫌冒雨濕新衣
主人借屋慇懃甚看爾長成何日歸

贈武磐若兼招其來晤

山中不許戀烟蘿入學頻將石鼓摩
槐舍衣冠

人望重薊門風雨客情多書成萬里封魚去木
落三秋策蹇過燕市酒樓何處好與君醉後一
高歌

賀武磐若登北闡鄉榜

道人院靜落松花相與追隨夙願賒

余與磐若共師吳信

辰先生先生號松花道人

讓我十年先折桂羨君八月亦乘

槎千金駿骨招豪傑萬里龍媒產渥洼今日風
塵蒙剪拂不須迴憶困鹽車

喜霞卿弟至署

烏鵲傳音喜紅燈結蕊新忽迎千里客如見一
家人土物封題重鄉談問答頻別來三載事曲
折若身親

自與雁行分秋深更念羣心淒燕谷月目斷隴
山雲薄宦誰憐我他鄉忽見君姜肱留大被寒
夜可同熏

擬古

止水澹無紋風蕩始漣漪明鏡空無象物來呈
妍媸奈何營營者與物相逐馳動而不能靜神

昏慮亦疲

幼時受姆教長佩女史箴雖無嬋娟貌却有貞
節心事夫已十年知之猶不深蟋蟀催機杼日
暮共悲吟

詠史

外質內粹美是之謂璞玉卞和兩輕投被褐長
痛哭三獻剖而視始信同結緣小臣非欺罔心
事一朝暴陵陽雖封侯已刖左右足銜奇以耀
世往往身受辱

歲晚

印鎖蟾能齧衙收雀可羅
夜寒催睡早歲晚逼
愁多宦味清能守鄉音遠
易訛壯懷消不得猶
唱缺壺歌

四皓歌

輔太子四老人鵠能飛雉不馴
雉不馴將奈何
蠕蠕人彘怨聲多
山中人不聞惟唱紫芝歌

題朱桐圃西遊甘肅詩草卷後

湘江閩海足風濤
壯日閒遊吟興高
人到伊涼

敏齋詩草

卷上

七

詞更古士生燕趙氣原豪磨來短劍能剽虎投
得長竿定釣鰲詩債未償君早去此行可再莅
臨洮

雀食粟引

頽來太倉粟積在南榮下麻雀偏已知約伴來
何夥移時不敢鳴寂寂坐屋瓦窺伺人去否惧
將粟包裹九月清霜降禾黍不在野苦無謀食
處見此不肯捨我正倚簷坐學彼忘機者猶恐
雀猜疑卓午寐亦假誘之任雀食多粒腹堪果

大似發倉廩周濟鰥與寡童子自外來雀飽猶未也以眉語童子莫將麻雀打

唐花牡丹

木芍藥開正月天黃瓠數朶色新鮮休誇富貴得來早畢竟人工欠自然

留別京中諸友

頭銜非復舊郎官薄薄宦情應未闌四載燕京居不易一鞭蜀道去尤難馱書不止東西漢占候偏逢大小寒餞別故人情意厚自慚持贈乏

琅玕

青家驛道中

茅店雞催客行行上翠微
泥深膠馬足霧重濕人衣
岸柳含烟卧山禽帶雨飛
黃梁何處熟吾欲解朝饑

早發

月色微茫裏鐘聲杳靄間
白沙明似水高樹暗如山
鳥雀棲猶穩漁樵夢亦閒
獨憐行役者星夜越河關

過鳥鼠山

欲往魚鳧國先過鳥鼠山
秋深薇蕨老雨霽笠
簑閒亂水寒烟外荒祠落照間
去家才百里預卜幾時還

發青陽峽

虎豹宵蹲路天明始敢行
穿林山徑曲跨澗野
橋橫花欲迎人笑猿偏避客鳴
一鞭雲外指南去是階成

小川驛道中

下山頻下馬不必倩人扶古驛烟初起荒村酒
可沽橋隨芳草斷寺共白雲孤薄霧巖藏豹斜
陽樹噪烏崖花嵌玳瑁野草綴珊瑚觸目皆詩
料閒吟慰僕夫

過五丁峽

峽號金牛亦壯哉相傳蜀遣五丁開華陽黑水
梁州域貢道早從潛漢來

敏齋詩草卷上